



HOËRSKOOL PIONIER

Tel: Skool (034) 981-3152
981-3145
Koshuis: 982-2719
Faks: 980-9677

Privaatsak X9413
VRYHEID 3100
E-Pos adres
pionier@lantic.net
Webblad : www.pionier.co.za

23 Junie 2017

Geagte Ouers

BUSROETE NA: PONGOLA, MKUZE, BOABAB EN HLUHLUWE: DERDE KWARTAAL 2017

Graag wil ons die volgende sake onder u aandag bring:

1. Die koste per kwartaal word volgens die aantal naweke in 'n kwartaal bepaal en daarom sal die bedrag per kwartaal nie altyd dieselfde wees nie.
2. Koste: Die koste per leerling vir die DERDE kwartaal 2017 verskyn hieronder in tabelvorm.

	Pionier na Pongola	Pionier na Boabab/Mkuze	Pionier na Hluhluwe	Pongola na Hluhluwe	Pongola na Boabab/Mkuze
Kwartaalliks	R1 840	R2 000	R2 600	R1 540	R1 300
Enkelkaartjies	R150	R160	R210	R150	R100

3. Geen persoon mag 'n kaartjie op die bus koop nie en geen persoon sal sonder 'n kaartjie op die bus toegelaat word nie.
4. Die buskomitee het ook besluit, dat as gevolg van die buskomitee se finansiële verpligtinge, geen uitstel ten opsigte van die betaling van busgelde verleen sal word nie - die busgelde vir hierdie kwartaal is betaalbaar op Dinsdag, 1 Augustus 2017.
5. Alle leerlinge wat steeds agterstallig is met die busgelde van die vorige kwartaal, sal nie op die bus toegelaat word nie.
6. Leerlinge wat nie teen 1 Augustus 2017 hul busgelde ten volle vereffen het nie, sal vanaf Vrydag, 4 Augustus 2017 nie op die bus toegelaat word nie.
7. Geen betalings sal op Vrydag, 4 Augustus 2017 aanvaar word nie, omdat dit administratiewe probleme verskaf. Geen reëlins vir busvervoer mag ook Vrydae getref word nie.
8. **MANIERE VAN BETALING:**
 - 8.1 Busgelde kan kontant of per tjek by leerlinge se **registeronderwysers** inbetaal word.
 - 8.2 Gelde kan in die onderstaande rekening gedeponeer word of per internet na die ondersaande rekening oorgeplaas word. Indien die gelde in die rekening gedeponeer word, word u versoek om die depositostrokke met **u kind se toelatingsnommer, van en voorletters (Hoërskool Pionier)** na die skool te **faks** voor of op **1 Augustus 2017**. Indien u per internet betaal word u versoek om asseblief ook die **leerling(e) se toelatingsnommer, van en voorletters (Hoërskool Pionier) en rekeningnommer, van en voorletters (ander skole) en afklompunt** as verwysing te gebruik.

Bankbesonderhede:

Rekeningnaam: Hoërskool Pionier Buskomitee Bank: Absa
Takkode: 334524 Rekeningnr: 4049202261

- LW: a) Die busgelde moet nie in die skoolrekening inbetaal word nie, want die Buskomitee maak gebruik van hul eie rekening.
b) Tjeks moet uitgemaak word aan Hoërskool Pionier Buskomitee en indien 'n tjek teruggestuur (V/T) word deur die bank, sal die ouer verantwoordelik wees vir die koste van R100.

9. Kortings vir leerlinge:

Die oudste kind(ers) van 'n gesin kry 25% korting indien 'n kwartaalkaartjie gekoop word, maar die res van die gesin betaal volprys.

10. As 'n leerling se naam nie op die skool se busregister verskyn nie, sal hy/sy nie op die bus toegelaat word nie.
11. Elke nuwe leerling se ouers/voog moet ook asseblief 'n "Busvervoer Aansoekvorm en Inligtingsvorm" voltooi en by die skool inhandig.
12. Geen kaartjies word op die bus verkoop nie (dit geld ook vir Sondae).
13. Geen leerling mag in die plek van 'n ander persoon op die bus ry nie. Indien dit gebeur sal so 'n leerling dubbel die koste moet betaal.
14. Leerlinge van ander skole as Hoërskool Pionier, sal slegs van hierdie diens gebruik kan maak indien daar sitplekke op die bus *beskikbaar* is - hul toelating is dus voorwaardelik.
15. Indien 'n leerling sy/haar naam opgee om permanent op 'n sekere bus te ry, sal hy/sy verantwoordelik wees vir die volle koste vir die kwartaal.
16. Aangeheg is 'n lys van bustye en plekke van arriveer en vertrek asook kontakpersone.
17. Geen leerling mag op 'n ander bus as waarvoor hy/sy betaal het, ry sonder vooraf toestemming by mnr. Coetzee gekry is nie.
18. Leerlinge wat nie permanente buskaartjies vir die volle kwartaal het nie, moet 'n enkelkaartjie by mnr. Coetzee koop voor of teen Donderdag om 13:00. Leerlinge mag ook nie meer as drie keer 'n kwartaal 'n enkelkaartjie koop nie. Enkelkaartjies sal slegs verkoop word as daar plek op 'n bus is.
19. Indien nodig, sal daar Donderdae, tydens kontroletoets- of registerperiode in die registerklas 'n lys gemaak word van watter leerlinge die volgende naweek op die bus sal wil ry. Leerlinge moet seker maak dat hul naam wel op die lys verskyn, omdat daar op 'n Donderdag aan die privaat busmaatskappy aangedui moet word hoeveel busse die naweek benodig sal word. Indien 'n leerling se naam nie op die lys verskyn nie, sal hy/sy nie op die bus toegelaat word nie. Indien 'n leerling aangedui het dat hy/sy wel gaan ry, maar wie se reëlings verander het en dus nie meer gaan ry nie, moet hy/sy vir mnr. Coetzee voor Vrydag, 08:00 in kennis stel, anders kan hy/sy vir die ekstra koste verantwoordelik gehou word.
20. U moet ook asseblief daarop let dat busgelde (punt 2) uitgewerk is dat u nie betaal vir die dae waarop die bus nie ry nie.
21. Omdat Maandag, 25 September 2017 'n vakansiedag is, sal die bus op Maandag, 25 September 2017 ry (i.p.v. Sondag, 24 September 2017 - Sondagtye).

Baie dankie vir u samewerking, dit word opreg waardeer. U word 'n mooi nuwe kwartaal, asook 'n voorspoedige 2017 toegewens.

Vriendelike groete

J.B. COETZEE
DEPARTEMENTSHOOF

R.S. MULLER
SKOOLHOOF